

Broj: 01-02-251721

Sarajevo, 04.01.2022. godine

**Z A P I S N I K**  
**12.VANREDNE SJEDNICE PREDSTAVNIČKOG DOMA PARLAMENTA FEDERACIJE**  
**BiH, održane 30.12.2021. godine**

Online sjednica je počela u 20.00.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ahmed Džubur i Jasmina Zubić.

Sa 63 glasa za usvojen je sljedeći:

**D N E V N I R E D**

1. Usaglašavanje Prijedloga Zakona o dopuni Zakona o električnoj energiji u Federaciji BiH – hitni postupak

Predstavnički dom Parlamenta FBiH usvojio je Prijedlog Zakona o dopuni Zakona o električnoj energiji u Federaciji BiH na 28. redovnoj sjednici (21.12.2021.), a čiji predlagač je Klub zastupnika SDA.

Dom naroda je na sjednici održanoj 29.12.2021. godine usvojio Prijedlog ovog Zakona čiji je predlagač Jasmin Duvnjak, delegat u Domu naroda, sa jednim amandmanom, kojega predlagač nije prihvatio, ali ga je Dom naroda izglasao.

Ispred Vlade FBiH obratio se ministar Nermin Džindić.

U raspravi su učestvovali: Suad Kaknjo, Eldar Čomor, Adnan Efendić, Damir Mašić, Salmir Kaplan, Mira Grgić, Salko Zildžić, Goran Akšamija, Alma Kratina, Sanela Prašović-Gadžo, Zlatko Ercegović, Husein Rošić, Mirsad Pindžo, Ivan Boban, Marijan Klaić i Adis Arapović.

Predsjedavajući je pozvao zastupnike da se izjasne o Prijedlogu Zakona o dopuni Zakona o električnoj energiji u Federaciji BiH, u tekstu kako je usvojen u Domu naroda Parlamenta FBiH.

Sa 77 glasova za, jednim glasom protiv i uz jedan uzdržani glas, usvojen je Prijedlog Zakona o dopuni Zakona o električnoj energiji u Federaciji BiH, u tekstu kako je usvojen u Domu naroda Parlamenta Federacije BiH.

Klub zastupnika SDA predložio je zaključak – kako bi se izbjegli poremećaji u privredi i osigurala stabilnost privrede na nivou Federacije BiH ali i stabilnost poslovanja JP Elektroprivreda BiH i JP Elektroprivreda HZHB, čiji je osnivač Vlada FBiH, predlažemo da Vlada FBiH obezbijedi sredstva u Budžetu FBiH za 2022. godinu iz koje će nadomjestiti eventualne gubitke u poslovanju Elektroprivrede BiH i Elektroprivrede HZHB. Obavezuje se Predstavnički dom Parlamenta FBiH da po isteku prva tri mjeseca 2022. godine raspravlja o stanju i poslovanju Elektroprivreda BiH i Elektroprivreda HZHB te ukoliko se ustanovi da postojeće cijene (20% uvećane) ugrožavaju poslovanje Elektroprivreda, daju ovlaštenje Vladi FBiH da interveniše u cilju sačuvanja elektroprivrednog sektora u BiH, (31 glas za, 15 protiv i 25 uzdržanih glasova).

Mirsad Pindžo predložio je zaključak.

Sa 52 glasa za, dva glasa protiv i 19 uzdržanih glasova, usvojen je sljedeći:

## ZAKLJUČAK

Zadužuje se Vlada FBiH da nakon proteka vremena od tri mjeseca (31.03.2022.) primjene odluke o ograničenju cijene električne energije, napravi analizu efekata, predloži eventualno neke korekcije i dostavi Parlamentu FBiH na raspravu i izjašnjenje.

Predsjedavajući je zaključio rad 12. vanredne sjednice u 22.00.

Transkript i prijepis transkripta sjednice čine sastavni dio Zapisnika.

SEKRETAR  
PREDSTAVNIČKOG DOMA  
PARLAMENTA FEDERACIJE BIH

Ivan Miličević

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Mirsad Zaimović